

王荆文公詩注

王荆文公詩注

王荊文公詩卷之四十七

鴈湖李壁箋註

須溪劉辰翁評點

律詩

杏花

垂楊一逕紫苔封

唐任珪戲郡守詩入門堪笑復堪憐
三逕苔封一釣船○包結詩積雪封

谷口徑多年
亞石松

人語蕭蕭院落中獨有杏花如喚客倚牆斜

日數枝紅

歐公詞薦啼宴席似留
人花出牆頭如有意

城東寺菊

黃花漠漠弄秋暉無數蜜蜂花上飛不忍獨醒辜爾去

慙慙為折一枝歸

鄭谷菊詩節去蜂愁蝶不知曉庭還
繞折殘枝唐人王蕊花詩應共群仙

闔百草獨來偷折一枝歸又
薛能詩立馬煩君折一枝

拒霜花

即芙蓉

落盡群花獨自芳紅英渾欲拒嚴霜開元天子千秋節

戚里人家承露囊

宋景文詩繁霜不可拒謹勿愛虛名宋自註云俗名拒霜其實逢霜即悴

矣○坡詩喚作拒霜渾未稱細思却是最宜霜○唐以前帝王生日不置節名隋文六月十二日生詔天下為武文皇帝斷屠宰至明皇始以八月五日誕辰為千秋節開燕上壽王家戚里貢獻金鏡土庶結承露絲囊等物相遺○小杜過勤政樓詩千秋佳節空名在承露絲囊世已无

燕

處處定知秋後別年年常

一作長

向社前逢行藏似

一作自

欲追時節豈是人間不見容

章孝標詩舊壘危巢泥已落今年故向社前歸少皞

時玄鳥司分者也○傳咸燕賦云隨時宜以行藏似君子之出處○韓詩雙二歸燕則燕之歸特蛰於土中

耳沈存中
論此甚詳

吐綬鷄

樊籠寄食老低摧組麗深藏肯自媒天日清明聊一吐

兒童初見互驚猜

韓信寄食漂母○歐公鶴詩樊籠毛羽曰低摧○劉禹錫有吐綬鳥詩湖

烟始開山曰高迎風吐綬盤花條○柳子厚荅韋中立書僕往聞庸蜀之南恒少日出則大吠此詩意亦類

柳疑公自况終以議變法者為非○崔豹古今注云吐綬鳥一名功曹○酉陽雜俎魚復縣南山有鳥大如鵠

鵠羽色多黑雜以黃白頭頗似雉有吐物長數寸丹采彪炳形色類綬因名為吐綬鳥又食以蓄噤臆前大

如斗憲觸其噤行每遠草木故一名避株鳥○倦游雜錄云真珠雞生夔峽山中畜之甚馴其羽毛有白圓點

故号真珠雞又名吐綬雞生而反哺亦名孝雉每至春夏之交景氣和暖領下出綬帶至尺餘紅碧鮮然頭有

翠角双立良久悉斂於噤下披其毛不復見或有死者割其頸臆間亦无所覩○荅溪漁隱曰廣右閩中亦有

吐綬雞余在二處見人家多養之不獨巴峽中有之

黃鸝

野花吹盡竹娟娟

杜甫竹詩雨洗娟娟淨又美花多映竹好鳥不歸山

尚有黃鸝

最可憐姪姀不知緣底事背人飛過北山前

說文曰離黃倉庚也

鳴即蚕生詩義疏或謂之黃栗留齊人謂之搏黍關西謂之黃鳥子美聞鶯詩姪姀人家小女兒半啼半語隔花枝○杜甫鴈詩一背人飛○又項斯詩動水花連影逢人鳥背飛

蝶

翅輕於粉薄於繒長被花牽不自勝

張子野詩懶同胡蝶為春忙

若

信莊周尚非我豈能投死為韓憑

莊周事已見古詩○嶺表錄異云韓朋鳥

者乃鳬鷺之類雌雄為雙飛泛溪浦水禽中鷓鴣為鷺鷥嶺北皆有之唯韓朋鳥未之見也按干寶搜神記

云大夫韓朋其妻美好康王奪之朋怨王囚之朋遂自殺妻乃陰腐其衣王與之登臺自投臺下左右捉衣衣

不勝手遺書於帶曰願以死還韓氏而合葬王怒令埋之兩冢相望經宿忽見有梓木生二冢之上根交於下

枝連其上又有鳥如鴛鴦常栖其樹朝暮悲鳴南人謂此禽即韓朋夫婦之精魄故以韓氏名之韓朋一云韓憑○李義山絕句青陵臺畔日光斜萬古真魂倚暮霞莫許韓朋為蛟蝶等閑飛上別枝花

暮春

無限殘紅著地飛谿頭煙樹翠相圍楊花獨得東風意

相逐晴空去不歸

退之落花詩已分將身著地飛又楊柳詩擺撼春風飈欲飛溫庭筠詩芍

藥薔薇語早梅不知誰是艷陽才今朝領得東風意不復饒君雪裏開隋煬帝侯夫人詩粧成多自恨夢好却成悲不及楊花意春來到處飛

真州東園作

歐公嘗為許元作記即此處

十年歷遍人間事

張良傳願棄人間事却遶新花認故叢杜詩藥

果花發去年叢

南北此身知幾日山川長在淚痕中

過皖口

皖口在舒州

皖城西去百重山陳迹今埋香霽間公嘗倅舒州故言陳迹白髮

行藏空自感春風江水照衰顏

發粟至石陂寺

驀水穿山近更賒唐李陟詩望水尋山二里餘竹林斜到地仙居三更燃火飯

僧家乘田有秩難逃責從事雖勤敢嘆嗟孟子孔子嘗為乘田矣介

甫時為鄆縣發粟救民故借用乘田事

別皖口

浮煙漠漠細沙平飛雨濺濺嫩水生嫩水見至開元僧舍注異日

不知來照影更添華髮幾千莖白詩重重照水看容髮不見朱顏見白絲失却

少年死覓処泥他湖水欲何為牧之詩弄溪終日到黃昏照數秋來白髮根

別瀟皖二山

鄉壘新恩借舊朱欲辭瀟皖更躊躇二山在舒州瀟上即天柱山皖山即

皖公攢峰列岫爭譏我飽食頻一作窮年報禮虛杜牧詩喜拋

新錦帳榮借舊朱衣○按公舒倅滿即入館後四年方為常州此云別瀟皖當考北山移文列壑爭譏攢峰竦

謂○報禮字見別注

舒州被召試不赴偶書

戴盆難與望天兼自笑虛名亦自嫌槁壤太牢俱有味

可能蚯蚓獨清廉司馬遷書戴盆何以望天○第五倫傳明帝戒外戚苦身待士不如為國

戴盆為王天事不兩施○小杜詩如今歸不得自戴望天盆

舟過長蘆儀真

木落草搖洲渚昏泊船深閉雨中門韋莊詩雨打梨花深閉門此謂船門

回燈祗欲尋歸夢兒女紛紛強笑言岑參詩孤燈燃客夢寒杵擣鄉愁

金山寺

北櫟南檣泊四垂共憐金碧爛參差孤根萬丈滄波底
除却蛟龍世不知東坡松詩根到九泉無曲處世間推
余言韓蘄王嘗選軍中善沒者於三門下淵潭最深處遣入
水視有何物沒者駭叫騰出云有一大龍抱山足而戲

其二

波瀾蕩沃乾坤大

少陵洞庭湖詩
納二乾坤大

氣象包藏水石閑

有此中宜曠望誰令天作海門山

詩周頌天作高山注
作生也○樂天詩況

有虛白亭坐見海門山○李白詩
剡却君山好平鋪湘水流亦此意

其三

天日蒼茫海氣深每來高處一登臨丹樓碧閣皆時事

只有江山古到今

言樓閣興壞繫於一
時不同江山久存也

泊姚江

寰宇志餘姚江在縣五十步闊四十丈入明州

山如碧浪翻江去水似青天照眼明喚取仙人來住此

莫教辛苦上層城

評曰好。太白詩下視千萬峰峰頭如浪起。柳詩洞庭春去水如天杜

詩春水船如天上坐。淮南子崑崙山上有層城高萬一千里

游鍾山

兩山松櫟暗朱藤

雲南記曰雲南山出藤其色如朱小者以為馬策大者以為拄杖恐所在

山谷皆有不必出雲南白樂天有朱藤杖詩

一水中間勝武陵

言景過於武陵之桃源

午梵隔雲知有寺夕陽歸去不逢僧

古詩但聞煙外鍾不見煙中寺又參

寥子詩隔林彷彿聞機杼知有人家住翠微。崔峒詩客尋朝磬食僧背夕陽歸。杜牧之老僧詩日暮千峯

裏不知何處歸

龍泉寺石井二首

建康志无龍泉寺而臨汝志長安鄉有龍泉院豈即此寺

邪或在南康也○信州亦有龍泉院在玉山縣

山腰石有千年潤海眼一作泉無一日乾天下蒼生待

霖雨不知龍向此中蟠唐劉崇遠金華子云北海縣因發五銖錢取之不盡得一石記

云此是海眼以錢鎮之衆懼遷掩之杜詩古來相傳是海眼李白詩深沉百丈通海底那知不有蛟龍蟠

石林詩話云荆公少以意氣自許故詩語惟其所向不復更為涵蓄如天下蒼生待霖雨不知龍向此中蟠

又濃綠萬枝紅一點動人春色不須多又平治險穢非无力潤澤焦枯是有才之類皆直道其胸中事後為群

牧判官從宋以道尽假唐人詩集博觀而約取晚年始尽深婉不迫之趣乃知文字虽工拙有定限然必視其

幼壯雖公方其未至亦不能力強而遽至也○吳曾漫錄云張文潛有二石龜晁无咎名其大者為九江小者

為千歲文潛因作九江千歲龜歌贈无咎云老龍洞庭怒蕩覆堯九州謂半山老人也又云禹咄嗟水平流謂

司馬君實也不知曾何所據而云若果尔是公本以龍自命後人又以龍目之然則公之所以為龍者亦異矣

其二

人傳此井未嘗枯

左宣公十二年目於皆井而拯之皆枯也

滿底蒼苔亂髮

杜牧之詩水

四海旱多霖雨少此中端有卧龍無退

詩居然鱗介不能容石眼環二水一鍾

興國樓上作

松篁不動翠相重

杜荀鶴詩日高花影重

日射流塵四散紅

公云有

曰射地穿千里赤亦類此

地上行人愁喝死那知高處有清風

說文喝乙

曷反著暑熱死也淮南子曰武王陰喝人於柳下而天下懷抱朴子曰指冰室不能起喝子之熱○漢武帝紀

元封四年夏大旱民多喝死如淳曰喝音渴韓詩寒泉百尺空看影正是行人喝死時

別瀟閣

一溪清瀉百山重風物能留邴曼容

曼容事見江東召歸注

後夜

肯思幽興極月明孤影伴寒松

杭州望湖樓回馬上作呈玉汝樂道

水光山氣碧浮浮落日將歸又少留從此祇應長入夢

夢中還與故人遊

孟郊詩月向无隱物况復大江秋峴亭當此時故人不

亦可從夢求○魯直詩松風夢與故人遇同駕飛鴻跨九州

和景純十四丈三絕

身先諸老幹樞機再見王門闔左扉但恨東歸相值晚

豈知臨別更心違

景純本末見藏春塢注○禮記玉藻闔月則闔門左扉立于其中謂再逢闔也

其二

幾年相約在林丘眼見京江更阻遊遺我珠璣何以報

恨無瑤玉與公舟

詩篤公刘何以舟之惟玉及瑤注舟帶也瑤言有美德公酬龔深甫詩用

瑤玉事却通前後文使此言舟豈謂酒邪唐人有舣船疑此借用或舟字止是報之以瓊瑤之意

其三

藏春花木望中迷水複山長道阻躋

詩道阻且躋注躋升也

惆悵

老來塵世累無因重到武陵溪

東坡亦有藏春詩云年拋造化甄陶外春入先生杖履中

臨津

臨津艷艷花千樹夾徑斜斜柳數行却憶金明池上路

紅裙爭看綠衣郎

此平甫詩或誤刊於公集

汀沙

汀沙雪漫水溶溶睡鴨殘蘆暝靄中歸去北人多憶此

家家圖畫有屏風

漢許后傳設妾欲作某屏風張於某所曰故事无有。李白詩湖南七郡

凡幾家家屏障書題徧。王逢原山茶花詩江南池館厭深紅零落山烟雨中却是北人偏愛惜數枝和

雪上屏風

西山

西山映水碧潭潭楚老長謠淚滿衫

謝靈運廬陵王墓下詩延州叶心許

楚老惜蘭芳李善注云徐州先賢傳曰楚老者彭城之隱人

但道使君留不得那知

肯更憶江南

庾信既留長安雖位望通顯嘗有鄉閨之思乃作哀江南賦以致其意

和文淑

張氏女弟

天梯雲棧蜀山岑下視嘉陵水萬尋我得一舟江上去

恐君東望亦傷心

田叔傳蜀口棧道近山○少陵過棧閣詩目眩隕雜花頭風吹過雨百年

不可料一墜那得取

春入

春入園林百草香池塘冰散水生光身閑是處堪携手

何事低回兩鬢霜

衛詩迨冰未泮注冰未散正月中以前也此詩与懷舊後一聯全同而上

二句比前作尤勝
疑此是後來改本

暮春

美蕖的歷抽新葉

的歷謂荷葉初抽時

首宿闌干放晚花

薛令之詩首宿

長闌干○于闌地溫和有首宿府楊柳可藏鴉

白下門東春已老莫嗔楊柳可藏鴉

烏江亭

在和州

百戰疲勞壯士哀中原一敗勢難迴江東子弟今雖在

肯爲君王卷土來

項籍傳羽遂引而東欲渡烏江江亭長謂羽曰江東雖小地方千里衆

數十萬亦足王也願大王急渡羽笑曰乃天亡我何渡爲且籍與江東子弟八千人渡而西今亡一人還縱江東父兄怜而王我我何面目見之哉公詩蓋取籍意杜牧之詩乃謂勝敗兵家不可期包羞忍恥是男兒江東子弟多才俊卷土重來未可知